



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 60. Legatio Ferdinandi ad Galliarum Regem.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

§. LX.

Sæcul. XV.
A. C. 1493.*Legatio Ferdinandi ad Galliarum Regem.*

Hac occasione utebatur Ferdinandus, ut conciliata pace Carolum a belli proposito dimoveret. Hanc in rem Parisios Legationem destinat, cujus princeps erat Camillus Pandonus Regi notus multumque acceptus. Hos Oratores instruxit Ferdinandus publicis datæ potestatis literis, quæ tamen nonnisi pacta de neptis suæ conjugio complectebantur; interim vero secreta eisdem dedit mandata, quæ solis Briffonneto & Belogradrensi Præfecto communicarent; præterea Ferdinandus Regi Christianissimo tributum quinquaginta millium aureorum quotannis pendendum obtulit, simulque alias, quascunque vellet, conditiones præscribendi copiam fecit, dummodo pacem concederet; ast Gallii timebant Pontificis indignationem, qui Neapolis regnum sibi jam beneficiario jure obstrictum tenebat, & nuperrime haud obscura dabat indicia, quod arctiori foedere se se Gallis conjungere meditaretur; hanc ob causam Regis Consilarii, quibus Ferdinandi postulata proponebantur, Oratoribus Neapolitanis significabant, ea, quæ peterent, minime concedi

Sæcul. XV. concedi posse; dato hoc responso nil aliud agebant, quam ut negotia Scotiam decernentia deciderent, postmodum vero Neapolitani Regis Oratoribus haud dissimulanter declarabant, Gallos omne deinceps cum Ferdinando foedus recusaturos; ut autem his verbis majus firmitatis pondus adducerent, Legatis armorum apparatus pro futuro bello exhibebant.

§. LXI.

*Ferdinandi perfugium ad Papam,
Venetos, & Reges Catholicos.*

Neapolis Rex Gallici Senatus sententiam edoctus, Pontificis opem implorabat, pollicitus, quod Godefrido Borgiæ ejus filio Calabriæ Ducis filiam notham nuptui dare, simulque dotis nomine adjicere velit Scyllacenum Principatum, ac decem millium Ducatorum proventus unacum armatorum centuria suis impensis alenda. Alexander oblatam quidem affinitatem æque ac Principatum gratum habebat, propositum tamen foedus inire recusabat, vicissim Ferdinando quodcumque obsequiorum genus offerens, dummodo armorum societas silentio premeretur. Neapolis Rex hoc Pontificis responso parum contentus, ad Venetorum